



UNIVERSITÄTS-  
BIBLIOTHEK  
PADERBORN

**EXEGESIS || IN EPISTOLAM || D. PAVLI AD EPHESIOS ||  
ECCLESIAE, SANCTORVMQVE PA-||TRVM MENTI, ITA,  
DEFENDENDIS PRÆ-||cipuis fidei dogmatibus accomodata,  
vt à Ro-||berti Rolloci Scoti, Eidenburgensis ...**

**Stevartius, Petrus**

**[S.l.], 1593**

**VD16 S 8959**

Illvstri Ac Generoso Dn. D. Antonio Fvggero Seniori, Baroni In Kirchberg &  
VVeissenhorn, & c. Domino patrono meo honorando.

---

[urn:nbn:de:hbz:466:1-70277](https://nbn-resolving.org/urn:nbn:de:hbz:466:1-70277)



ILLVSTRIAC GE-  
NEROSO DN. D. ANTONIO  
FVGGERO SENIORI, BARONI IN KIRCH-  
BERG & VVEISSENHORN, &c. Domino pa-  
trono meo honorando.

**D**oste aquam sacrorum oraculorum  
interpretes, Illustris & Generose Domine, Pauli ne- 2. Corinth. 10.  
glecto consilio, tum humani ingenij acumine, tum  
natura & rationis vi potius, quam fidei à maioribus  
accepta, niti ceperunt tantum priuatae suae opinioni  
detulerunt; ut ab omnium sententiis, qua nescio ve-  
recundia, discederent, quasi, ut est apud eundem Apostolum, vel ab 1. Corinth. 14.  
ipsis Dei verbum processisset, vel ad eos solos peruenisset. Cui malo, salu-  
taria remedia iam pridem videri poterat, attulisse Vincentius Lyrinen-  
sis, quando mentem & voluntatem diuinam ex sacris literis eruturos,  
monuit, ut in priores interpretes, à quibus Dei verbum processit in po-  
steros, spectarent, ne priuatum suum sensum tenaci contentione defen-  
dant: sed reliquos prius Ecclesiae Doctores consulant; ut si viderint omni-  
bus iam probari, quod sentiunt, tunc iam teneant: sin reprobari, tunc iam  
deserant. Quo salutari consilio sit perspicuum, eos, qui à communi se Ec-  
clesiae fide se iunxerint, priuatamq; opinionem eligentes ab institutione  
Catholica discesserint, Sectarios haberi debere. Cum itaq; maximi re-  
ferat, ut quibus in Ecclesia Scripturae explicanda munus incumbit,  
doctrina nouitas, quantum cum vetustate pugnet, ostendant; tum abs  
re non facere me existimo, quando hareticorum commentariorum nu-  
per editos libros cum Orthodoxis conferre soleo, ne vel sub verbi diuini  
prae-textu, vel sub Apostolica disciplina ficta expositione, in fidelium  
manus veniant, omnesq; simul animaduertant, quam diuersum huius  
temporis haretici doceant ab his, quae Patres iam dudum tradiderunt.

EPISTOLA DEDICATORIA.

Quare (quod mea professionis est) cum praterito Autumno, eius generis in eam epistolam, quam publice praelegere coeperam, commentarium incidissem, notare non modò breuiter volui, quae ad veritatis Apostolica defensionem pertinere existimabam, sed & meam hanc animaduersionem disputandam volui proponere, ut sana doctrina Doctoribus meam operam & studium probarem, & Theologia Studiofis hac ratione, constaret, quanti referat, quos quisq; sacrarum literarum manibus terere debeat interpretes. Cum porro prateritis diebus I. D. U. coram in suo Hanboniensi Tusculano adessem, ubi tantam diuersi generis optimorum librorum supellectile incomparabili sumptu, ex diuersis locis comportatam parat, quantam & ad Orthodoxa doctrina puritatem defendendam, & ad nobilium scientiarum, literarumq; praestantiam tuendam probandamq; sufficere existimo, mihi in mentem venit, hanc à me eandem siue animaduersionem, siue disputationem eidem I. D. U. dicari debere. Cum enim ij maximè sint colendi, qui optimas artes & disciplinas suis opibus liberaliter iuuant et promouent, tum I. D. T. plurima deberi à literatis hominibus puto, quae eruditis ingeniis hunc amplissima bibliotheca thesaurum, perpetuum scilicet & virtutis & doctrinae sua monumentum parat. A me verò quantum expectare debeat D. T. facile sentio, quem totos viginti annos maximis & gratissimis studiis prosequitur. Ut enim D. T. I. ingenio est liberali, ita & docto & erudito, ac proinde fit, ut & facile & libenter eos communium olim suorum studiorum socios complectatur, qui publicis iam studiis operam suam nauant. Vehementer itaque ab I. D. U. peto, ut hoc quicquid est, memoris animi indicium equi consultum velit. Vale mi Domine, & tuum STEVARTIVM ama. Ingolstadij ad S. MAVRICIVM. Ipso Annunciatae Virginis, M. D. XCIII.

J. D. U.

dd.

Petrus Steuartius.